

16. književni susreti „Stazama djetinjstva“, Bosanska Krupa, 2009.

16. Literary meetings “Along the paths of childhood”, Bosanska Krupa, 2009

Zumreta Porić,

Javna ustanova Gradska biblioteka Bosanska Krupa / City Library Bosanska Krupa
Bosanska Krupa, BiH

Nakon 18 godina pauze, ove je godine Javna ustanova „Gradska biblioteka“ Bosanska Krupa obnovila tradicionalne književne susrete „Stazama djetinjstva“, koji su se prije agresije na BiH održavali na državnom nivou i u čast književnika Branka Ćopića.

After 18 years City Library from Bosanska Krupa has renewed the traditional literary meetings “Along the paths of childhood”. Before aggression against Bosnia and Herzegovina it was the national level event held in honor of writer Branko Ćopić

Ove godine je nakon 18 godina Javna ustanova „Gradska biblioteka“ Bosanska Krupa obnovila tradicionalne književne susrete „Stazama djetinjstva“, koji su se prije agresije na BiH održavali na državnom nivou i u čast književnika Branka Ćopića.

Uz pomoć lokalne zajednice i Federalnog ministarstva kulture i sporta, tačnije Fondacije za izdavaštvo, 16. izdanje ove manifestacije održano je u terminu 1-3. 10. 2009. godine. Književni susreti su zadržali sadržajni karakter, uz razne izložbe, karavane književnika, promocije knjiga i predstave za najmlađe, težilo se ka promociji i popularizaciji pisane riječi iz oblasti dječije književnosti.

Književne susrete je zvanično otvorio Armin Halitović, općinski načelnik Bosanske Krupe i generalni pokrovitelj, koji je u pozdravnoj riječi istaknuo da će, uz punu podršku lokalne zajednice, ovi susreti postati brend po kojem će općina Bosanska Krupa biti prepoznatljiva.

*Posjeta Gradskoj
biblioteci u Bosanskoj
Krupi*





Učesnici okruglog stola

Kulturno-historijski značaj književnih susreta je predstavljen kratkom prezentacijom na temu „Književni susreti nekad i sad“.

U trodnevnom druženju sa književnicima i gostima održane su izložba knjiga IK Bosanska riječ Tuzla, izložba slika ULU „Krušnica“ – samostalna izložba slika autorice Edine Musić, iz Bosanske Krupe, i izložba Arhiva USK-a „Krajišnička pisma“.

U okviru književnog karavana za posjete u četiri osnovne škole sa područja Općine učestvovali su: Enisa Osmančević Ćurić, Rizo Džafić, Advan Hozić, Ismet Bekrić, Enes Kišević, Darko Vidović, Šimo Ešić, Muhidin Šarić i Bajruzin Hajro Planjac.

Studenti Pedagoškog fakulteta u Bihaću, koji je i suorganizator susreta, su „Predstavljanjem mladih krajiških pjesnika“ dali doprinos širokom opusu kulturnog programa.

Posjetom Gradskoj biblioteci, sa književnicima i gostima, ukratko je prezentiran značaj razvoja bibliotekarstva na području lokalne zajednice i šire.

Na oduševljenje najmlađih, pozorište „Dissey“ iz Sarajeva je održalo lutkarske predstave, a za Udruženje roditelja i djece sa posebnim potrebama „ADA“ iz Bosanske Krupe je održana radionica na kojoj su djeca sa radošću pokazala svoje umijeće i sposobnosti u izradi lutaka.

U centralnom dijelu programa predstavljeni su književnici učesnici, održana promocija knjiga pet autora edicije Mali Princ iz Tuzle i izvršeno proglašenje najbolje neobjavljene priče za djecu na području BiH, pristiglih na ranije raspisan javni poziv.

Od pristiglih priča eminentnih književnika iz cijele BiH, novčanu nagradu i plaketu je osvojio Ismet Bekrić za priču „Ispovijest mačka Mukala“.

Programski dio književnih susreta je završen okruglim stolom na temu „Stazama djetinjstva“. Prisutni su organizatora Javnu ustanovu „Gradska biblioteka“ Bosanska Krupa ocijenili sa najvišom ocjenom.

U potpunosti je podržan programski dio susreta, uz smjernice i sugestije sa zaključcima da se sadržajni dio proširi na šire geografsko područje, uz uključivanje što većeg broja učesnika.

Osnovni cilj književnih susreta, koji je naglašen u samom početku, zadržan je a to je promocija i popularizacija pisane riječi iz oblasti dječije književnosti.
